

四庫全書

集部

欽定四庫全書

集部

御選古文淵鑒卷四十二

詳校官尚書

臣德保

主事銜

臣徐以坤覆勘

總校官進士

臣朱鈴

校對官編修

臣莊道敏

謄錄監生

臣卹南林

欽定四庫全書

御選古文淵鑒卷四十一目錄

五代

後唐莊宗

冊封吳越國文

李繼岌

伐蜀檄

李嚴

聘蜀笏記

周世宗

賜南唐主李景書

又賜南唐主李景書

伐江南詔

王朴

平邊策

南唐主李昇

舉用儒吏詔

諭廷臣勿言用兵勅

南唐主李景

災異詔

答留守周宗乞罷鎮詔

張義方

上南唐烈祖疏

江文蔚

對仗彈馮延巳魏岑文

歐陽廣

論邊鎬必敗書

潘佑

代南唐主勸南漢劉鋹書

馮涓

諫蜀主屢興兵旅疏

辛寅遜

諫擊毬疏

田淳

言朝政得失疏

吳越王錢鏐

杭州羅城記

丁思艱

諫楚王馬希範書

欽定四庫全書

御選古文淵鑒卷四十一

內閣學士兼禮部侍郎教習庶吉士臣徐乾學等奉

旨編注

五代

朱溫篡唐為後梁李存勗滅梁為後唐石敬瑭叛後唐為晉劉知遠自立為後漢郭威自立為

後周至宋太祖建隆元年共五十七年是為五代

後唐莊宗

諱存勗晉王李克用之子為唐復仇滅朱氏遂即帝位

冊封吳越國文

同光三年命吏部侍郎李德林等賜錢鏐金印玉冊仍賜紅袍

御服一副及
衣冠劍馬等

典賂有則猶足懾
強藩之氣

臣熙曰典冊語
自須矜貴佳在
整瞻處俱見風
華

王者惠濟黎元輯寧方夏重名器任股肱忠而能力則
禮崇賞不失勞則人勸所以啟周公之土宇裂漢祖之
膏腴者錄彼茂勲寘之異數登進賢哲焜燿事功也惟
爾錢鏐朝海靈源承天峻嶽以英風彰德望以勇氣贊
忠貞往因義舉之徒盛推輜畧遂著襲封之績高步藩
維挺魚鯤鳥鳳之姿

宋玉對楚王問非獨鳥有
鳳而魚有鯢也士亦有之
擁岸虎

水龍之衆

晉書孫皓時童謡云不
畏岸上虎但畏水中龍

居方面任將五十年

鏐自二十四歲為偏將破王郢至此年七十四歲矣宣導休聲攘除克醜鏐破王郢次敗

黃巢次斬漢劉宏次討薛朗次擒徐約次却孫儒次滅董昌摧堅奮銳鄙許東固圍

之謀左傳鄭伯入許使許大夫百里奉許叔居東偏曰不惟許國之為亦聊以固吾圉也阜俗頌

條廣冀北安居之頌環塹浙江之要雲滋星紀之墟閱

禮敦詩位崇元帥前茅後勁名重中權守畫一之規奉

在三之節信立靡移於風雨義行曷倦於津塗効珍則

罔顧險難薦幣則常歸宰府前一年錢鏐遣錢詢貢唐方物又進萬壽節禮甚厚

是年獻孔雀二又遣王浩貢重午簞扇龍鳳紗蚊厨振英謀而端右弼鍾懿號而

異列藩可謂職貢不乏梯航時至翼戴天子加以恭

也載念尊獎爰示徽章今遣某官

李德林
聶璵也

持節備禮昨

土苴茅冊爾為吳越國王於戲地畫數圻賦過千乘墨

守闔閭之境軌園句踐之封子弟量才序進多分於祭

戟

謂傳瓘傳璠傳
球等俱加食邑

土疆漸海方輸豈限於魚鹽貴盛富

強雖古之封建諸侯禮優夾輔不加於此慎厥終始無

以位期驕無以欲敗度欽承賜履協予一人汝嘉

時冊
禮既

備在右猶具竹冊銅印樞密院承旨
段佃受鈔厚賂遂用玉冊非禮也

體本新藻而氣殊
朗俊

李繼岌

唐莊宗李存勗之子封魏王

伐蜀檄

後唐同光三年莊宗命繼岌克西川四面行營都統郭崇韜克東北面行營招

討帥李紹琛毛璋等伐蜀因傳此檄出師凡七十日蜀主衍出降

蓋聞捨過論功王者示好生之道轉禍為福聖人垂善

變之文矧彼蜀民代承唐德玄宗朝以兵興河塞久駐

金鑾僖宗時以盜起中原曾停玉輅

僖宗時黃巢入長安田令孜劫帝幸

蜀之乃祖乃父或士或民皆內稟忠貞外資驍果武

負關張之氣

關雲長張飛皆萬人敵劉先主資之以取蜀

文傳揚馬之風

揚雄

司馬相如迎大駕以涉岷峨合諸軍而定關輔忠義貫
皆蜀人

乎日月勲業著乎山河凡在幽遐皆所傳達不幸龜龍

忽去蛇豕尋生逐此匪人

匪人謂陳敬瑄田令孜等

據斯重地蜀主

先父

謂衍之父王建也

出身陳許據衆巴庸

建襲閬州逐其刺史楊茂實節度楊

殺山于慎行曰自古創業之若惡衣菲食身先儉朴亡國之主窮奢極麗靡費

守亮漸不能制建遂有圖蜀之意

接王室之頻遷

光化四年韓全誨劫昭宗如鳳翔天復四

年朱金忠劫遷于洛陽

保邊隅而自大

建既逐韋昭度據西川復殺顧彥暉并東川

蓋

萬端此興亡之所以判也陳隋之季無俟論矣

前蜀王衍以一州之地僭僭室

屬昭宗皇帝方茲播越正切撫綏洗彼瑕疵潤之雨露綰

紅旗碧幢之蓋兼鳳池雞樹之榮

建為節度使同平章事後進加司徒封蜀

穴後唐李煜以一隅之安喙息江海可謂鷗鷺之一枝籠鳥之四隅矣而其服食居處游宴靡色備極纖華曲盡侈麗有一統之主耳目所未覩者如王衍結繪為山及宮殿樓閣宴飲繪山決旬不下或為風雨所救則更以新者易之燕諸香晝夜不絕

王紅旗碧幢節度使之儀衛也鳳池雞樹指中書省謂平章也

志鳴皋出穴曾無返哺之聲拔本塞源見利忘義加以

結連同惡聚集羣兇

天復四年建與李茂貞結為婚姻

當天步多艱莫

展扶持之節及坤維暫絕却為僭偽之謀

天復七年朱溫篡唐建遂

僭號烈士聞之撫膺懦夫見之攘臂洎茲狂裔益奮殘妖

謂蜀主衍也

閣豎擅權勛賢結舌

閣豎唐文袞宋光嗣等也

不稼不穡奢

侈者何啻千門

謂徐延瓊韓昭王承休王宗弼顧在珣等

內淫外荒塗炭者

已餘萬室

行以韓昭顧在珣為狎客陪侍遊晏蜀中山川無不巡歷時又至秦州

而更納

久而厭之更熱
皂莢以亂其氣
斗大一州作如
許破落安得不
亡

其短見侮我大朝

初唐遣李嚴以馬市珍玩錦繡蜀悉以粗惡者與之謂之入草物唐主怒

曰衍豈免為入草人乎時宋光祿上言後唐有憑陵我國
家之意宜選將練兵屯戍邊鄙以待乃以光祿克武

德軍節度使王宗輒橫拒轍之臂譬若螳螂奮臂以拒車轍擬舉投

羅之翼

譬鳥已投羅而思舉翼

我皇帝仰膺玄讖再造皇圖

謂莊宗滅

梁興唐也

四時順而玉燭明萬彙安而金繩正惟茲蜀土敢

隔朝風連營虧恤養之恩比屋困煩苛之政每聞殘酷

深所憫傷是命車徒以申弔伐步卒則轟如山列騎車

則迅若雷奔震雄聲而聒動乾坤騰銳氣而動搖河嶽

宣暢威靈使臣之
義應爾詞亦雅稱

彼若率兵赴死我則無陣不摧彼若據壘偷生我則無
城不拔却慮高低士庶遠近封巡不早迴翔終同覆滅

故令曉示貴在保全

檄至諸軍
皆降於唐

李嚴

幽州人初名讓坤事唐莊宗為客省使使
於蜀歸言王衍可取之狀唐遂發兵滅蜀

聘蜀笏記

嚴至蜀為衍陳唐興復功
德之盛因作朝見笏記

伏自朱溫肆逆運屬昭宗三年痛別於西秦

天復元年
宦者韓全

誨以郿岐宿衛兵
劫天子奔於鳳翔

一旦逼遷於東洛

天祐元年朱溫逼
遷天子於洛陽

誅殘南北焚焚宮闈雖列藩悉是其唐臣無一處不從

欽定四庫全書

御選古文淵鑒
卷四十一

五

水窓劉友益曰
書客省使李巖
如蜀者一以著
官人之禍一以
著己蜀之困耳
若夫李巖能言
蜀主之失而不
能知唐主之失
則亦可謂明於
知彼而暗於知
己者矣

其偽命由是大唐中興皇帝念高祖太宗之業脩爾墮

張憤朱溫崔胤之徒同謀篡弑遂乃神機迴發心鼎獨

燃竭滄溟而誓戮鯨鯢艾林莽而決除虎兇十年對壘

萬陣交鋒慮久困於生靈乃選挑其死士纔過汶水縛

王彥章於馬前彥章敗保中都夏魯奇舉旋及夷門斬

朱友貞於樓上李嗣源至曹州劒霜未匣槍雪猶輝段

凝統八萬雄師倒戈伏死梁亡凝以兵降唐因伶人納

紹曰李趙巖知一人應運引頸代誅友貞死於樓上巖走

紹欽

投溫韜韜斬其首以

獻段凝奏
族誅之

遂使賊將寒心謀夫拱手取乾坤只勞於八

日唐兵從鄆州入襲
汴八日而滅梁

救塗炭遂定於四維備振皇威咸

遵帝力今則秦庭貢表

岐王李茂貞上表稱
臣遣其子從驪來朝

兩浙稱臣

吳越錢鏐遣使
貢獻求玉冊

淮南陳附拜之儀

吳主楊溥使司
農卿盧頻來賀

回紇

備朝天之禮

同光二年封回紇王
仁美為英義可汗

甫安宇宙便息干戈

未盡臯克方議除剪豈謂大蜀皇帝柔懷遠邇居安慮

危嘉我帝祚中興羣妖悉滅特遣蘇張之士來追唐蜀

之歡吾皇適感於蜀皇復禮遠酬於厚禮則叨承玄造

獲奉皇華載馳得面於天顏戰汗不任於地跼

周世宗

本姓柴氏名榮邢州龍岡人周太祖聖穆皇后兄守禮之子幼從姑長太祖家遂以

為子太祖無嗣遂即位帝英武雄傑慨然有削平天下之志在位六年崩

賜南唐主李景書

顯德五年世宗復伐江南至揚州江南主大懼遣鍾謨盡

獻江北十有四州地世宗乃許班師而賜之以書

簡貴得體尺幅中備四時之氣

自有唐失御天步方艱六紀於茲瓜分鼎峙自為聲教
各擅蒸黎交結四夷憑陵上國華風不競否運所鍾凡
百有心孰不興憤朕擅一百州之富庶握三十萬之甲

兵農戰交修士卒樂用苟不能恢復內地申畫邊疆便
議班旋真同戲劇至於削去尊稱願輸臣節孫權事魏
蕭督奉周古也雖然今則不取但存帝號何爽歲寒儻
堅事大之心必不迫人於險俟諸郡之悉來即大軍之
立罷言盡於此更不煩云苟曰未然請從茲絕

又賜南唐主李景書

唐元宗既獻江北地受盟於周自以在位日久恥於

降屈屢遣鍾謨等奉表貢方物請傳位於弘
冀俾為大國附庸周世宗答以璽書力止之

元宗
乃已

義指溫厚不為逆
億

皇帝致書敬問江南國主茲覩來章備形縉旨叙此日
傳讓之意述向來高尚之心仍以數載以來交兵不息
爰陳追悔之事無非克責之詞雖古者省咎責躬因災
致懼亦無以過也況君血氣方剛春秋鼎盛為一方之
英主得百姓之驩心豈可高謝君臨輕辭世務與其慕
希夷之道孰若懷康濟之誠且天災流行國家代有昔
之聖哲所不能逃苟盛德之日新斯景福之彌遠諒惟
英敏必照誠懷

嚴毅明正自能使
聞者懍然

致堂胡氏曰南
唐欲圖中原而
結契丹為援又
李守貞慕容彦
超叛為之出師
謀圖如此欲久
存得乎

伐江南詔

蠢爾淮甸敢拒大邦盜據一方僭稱偽號晉漢之代蒙

海未寧而乃招納叛亡朋助克逆金全之據安陸

晉安州節

度使李金全叛附于唐唐遣其將李承
裕迎之與晉將馬全節等戰于安陸南

守貞之叛河中
漢隱帝時李守貞反河中乞兵于唐
遣潤州節度使李金全將兵攻汴陽

大起師徒來為應
援追奪閩越塗炭湘潭至於應接慕容憑陵徐部汴陽

之役曲直可知勾誘契丹入為邊患結連并壘實我世

讐罪惡難名人神共憤

王朴

字文伯東平人少舉進士為周校書郎世宗即位超遷至樞密使凡外事征伐攻取戰勝

內修制度議刑法定律歷講求禮樂之遺文皆朴一人之力而已及卒世宗臨其喪以玉鉞叩

地大慟者數四贈侍中

平邊策

世宗初即位朴遷比部郎中因獻平邊之策世宗奇之遷左諫議大夫充端明

學士

唐失道而失吳蜀晉失道而失幽并觀所以失之由知

所以平之術當失之時君暗政亂兵驕民困近者姦於

內遠者叛於外小不制而至於僭大不制而至於濫天

中一段議論乃吳之所以敵楚隋之所以取陳也籌畫既善文亦復佳

身之胡三省曰
朴先事上於潛
藩其君臣相得
亦有素矣

升庵楊慎曰五
代人材王朴為
冠其平邊策攻
取先後宋興之
初先平江南晚
定河東次第不
能易也外事征
伐內修文治其

下離心人不用命吳蜀乘其亂而竊其號

吳楊溥于後
唐天成二年

僭號改元蜀孟知祥於清
泰元年僭號改元稱後蜀

幽并乘其間而據其地

石晉時
以幽州

與契丹并
地為北漢

平之之術在乎反晉唐之失而已必先進賢

退不肖以清其時用能去不能以審其材恩信號令以

結其心賞功罰罪以盡其力恭儉節用以豐其財徭役

以時以阜其民俟其倉廩實器用備人可用而舉之彼

方之民知我政化大行上下同心力强財足人安將和

有必取之勢則知彼情狀者願為之間諜知彼山川者

論星歷宋定欽
天歷不能易也
其論樂律宋作
大晟樂不能易
也其言有曰彼
民與此民之心
同是與天意同
則無不成之功
近於知道矣五
季之世而有若
人耶

願為之先導彼民與此民之心同是與天意同與天意
同則無不成之功攻取之道從易者始當今惟吳易圖
東至海南至江可撓之地二千里從少備處先撓之備
東則撓西備西則撓東彼必奔走以救其弊奔走之間
可以知彼之虛實衆之強弱攻虛擊弱則所向無前矣
勿大舉但以輕兵撓之彼人怯弱知我師入其地必大
發以來應數大發則民困而國竭一不大發則我獲其
利彼竭我利則江北諸州乃國之所有也既得江北則

臣廷敬曰史言
周世宗銳意為
治今近臣著為
君難為臣不易
論及開邊策王
朴所獻獨得當
時要領

用彼之民揚我之兵江之南亦不難平之也如此則用
力少而收功多得吳則桂廣皆為內臣岷蜀可飛書而
召之如不至則四面並起席卷而蜀平吳蜀平幽可望
風而至惟并必死之寇不可以恩信誘必須以強兵攻
力已竭氣已喪不足以為邊患可為後圖方今兵力精
練器用具備羣下知法諸將用命一稔之後可以平邊
臣書生也不足以講大事至於不達大體不合機變惟
陛下寬之

南唐主李昇

字正倫徐州人楊行密養為子後以與徐溫乃姓徐氏名知誥即位後乃

復姓李氏
廟號烈祖

舉用儒吏詔

時四方競起武人用事烈祖昇元六年冬十月下詔命有司舉用儒

者罷去苛政
與民更始

崇尚儒術立意正大

前朝失御強梗崛起大者帝小者王不以兵戈利勢弗成不以殺戮威武不行民受其弊蓋有年矣或有意於息民者尚以武人用事不能宣流德化其宿學巨儒察民之故者嵯巖之下往往有之彼無路光亨而進以拊嫗

身之胡三省曰
唐烈祖尚儒故
當國有大事時
猶有能持政以
斷國論者

為嫌退以清寧為樂則上下之情將何以通簡易之政
將何所議乎昔漢世祖數年之間被堅執銳提戈斬馘
一日晏然而兵革之事雖父子之親不以一言及之則
兵為民患其來尚矣今唐祚中興與漢頗同而眇眇之
身坐制元元之上思所以舉而措之者甞甞在疚罔有
所發三事大夫可不矜乎自今宜舉用儒者以補不逮

論廷臣勿言用兵勅

烈祖生長兵間知民厭亂
凡有言宜出兵恢拓舊土

者恒歎息曰兵為民害深矣誠不忍復言使
彼民安吾民亦安矣又何求焉時馮延巳等

勸取閩楚吳越
三國因諭之云

此篇頗得保境息
民之道辭亦警

常觀劉德興乘累捷之威羣醜斂衽之際不得據有中

原乃留弱子而狼狽東歸

劉裕滅姚泓得關中留子義真守之歸謀晉禪竟為赫連

勅勅所并

朕甚陋之及聞李密勸玄感鼓行入關

李密勸楊玄感入關

為上策

意壯其言至密自王亦不能決意以西也近徐敬

業起江淮之衆鋒銳不可當不能因人之心直趣河洛

而反游兵南度自營割據識者知其不能成事矣此皆

已事之驗也錢氏父子動以奉中國為辭卒然犯之其

穀山于慎行曰
唐末以來中國
擾擾君如置奕
民如浮苴江北
諸州生民之禍
極矣而吳越南

唐皆以寬仁之政收休息之民保境息兵輒隣講好武昌江陵亦各有土宇不尋兵革以是江南諸州生養蕃聚無異承平及有宋廢符人皆不戰而定所以數百年來大江以南戶口宗室倍於江北豈惟天時地利亦人事之不同也

名不祥閩土險瘠若連之以兵必半歲乃能下恐所得

不能當所失也況其俗怙強喜亂既平之後彌煩經防

惟諸馬在湖湘間

馬殷卒子希聲立希聲卒弟希範立希範卒弟希廣希萼互相爭立而亡

恣為不法兵若南指易如拾芥孟子謂齊人取燕恐動

四鄰之兵徒得尺寸之地享天下之惡名我不願也孰

若悉輿稅之入君臣共為節儉惟是不腆圭幣以奉四

鄰之歡結之以盟詛要之以神明四封之外俾人自為

守是我之存三國乃外以為蔽障者也數年國內殷足

兵旅訓練積日而不試其氣必倍有如天啟其意而中原忽有變故朕將起而為天下倡云

南唐主李景

字伯玉烈祖李昇之長子廟號元宗

災異詔

保大八年春正月

春秋日食地震星孛木冰

孛彗星也木冰五行傳謂之木介春秋雨木冰感召

靡夷比災異頻仍豈人君不德以致之耶抑亦天心仁

愛而譴告之耶朕甚惕焉曩者兵連閩越武夫悍將不

喻朕意

閩王審知之後越吳越錢鏐保大二年閩人朱文進弑其君曦遣使來告查文徽固請伐之是

閩憫之思正無煩多語

年敗於益竹三年又敗於汀州四年入福州據其門以諸將爭功不能克五年吳越兵救福州大敗陳覺魏岑馮延魯等時王建封恣覺等專恣燒營而遁七年留從効據南州以叛兵連閩越謂此也武夫悍將即文徽陳等務為窮黷以至父征子餉上違天意下奪農時咎將誰執在余一人其大赦境內窮民無告者咸賜粟帛

答留守周宗乞罷鎮詔

崧嶽降靈誕生良弼佐我先朝施及朕躬尚賴保釐底於成績乃遽爾請罷豈朕不能優禮勛舊而致然也昔蕭何守巴蜀高祖無西顧之患寇恂守河內光武無分

民之嫌

光武賜實融書曰王者有分土無分民

今任公以何恂之事宜強

飯扶力以副朕意

張義方

始名元達南唐烈祖李昇受吳禪用為侍御史方倚以肅正邪惡取前朝王義方名

易之後
病瘡卒

上南唐烈祖疏

義方甫就御史職即上疏言事烈祖大加稱賞制曰孤始任義

方以風憲乃能力振朝綱辭加謹切可宣示朝野加賜義方衣一襲以旌直言

古之任御史者非止平獄訟肅班列也有怙威侮法棄

忠賊義樹朋黨蔽聰明者得以糾彈至於人主好遊畋

仇典不羣僭國中
之錚錚者

聲色悅奢侈佞媚賞非功罰非罪得以論爭使諸侯不
敢亂法百司不得盜權則御史不為失職今文武材行
之士固不為乏而貪墨陵犯傷風教棄仁義者猶未革
心臣欲奉陛下德音先舉忠孝潔廉請頒爵賞然後繩糾
乖戾以正典刑小則上疏論列大則對仗彈奏臣每痛
國家之敗非獨人君不明蓋官卑者畏罪而不言位尊
者持祿而不諫上下苟且至於淪亡今臣誠不忍忘君
親之意有所不盡惟陛下幸赦之

江文蔚

字君章建安人後唐長興中舉進士坐秦王重榮事南奔烈祖用為宣州觀察判官

保大初遷御史中以彈馮延巳魏岑賁逾年召還命為翰林學士卒謚曰簡

對仗彈馮延巳魏岑文

時馮延巳當國與弟延魯魏岑陳覺竊弄威福

及用師福州賁績死者萬計詔斬覺及延魯而延巳岑置不問文蔚對仗彈之文蔚將上疏先具小舟載老母以待左降元宗果怒賁文蔚江州司士參軍而覺延魯以宋齊丘救解復不死延巳雖暫罷旋復柄用方宣延巳制百官在廷常夢錫大言曰白麻雖佳要不

如江中丞疏耳是時文蔚直聲震江左傳寫彈文為之紙貴

賞罰者帝王所重賞以進君子不自私恩罰以退小人不

軒軒標舉略無嬖
靡之習

永叔歐陽脩曰
唐主好文學故
韓熙載馮延巳
延魯江文蔚潘
佑徐鉉之徒皆
至美官文雅於
諸國為盛

自私怒陛下踐阼以來所信重者馮延巳馮延魯魏岑

陳覺四人皆擢自下僚驟升高位

此四人皆宋齊丘之黨共為朋比以亡南

唐未嘗進一賢臣成國家之美陰狡圖權引用羣小

謂與

李徵古查文徽結為死黨也

陛下初臨大政常夢錫居封駁之職正

言讜論首罹譴逐

元宗在藩邸有過失時夢錫為給事中輒盡言規正無所撓及即位欲用

為翰林學士齊丘黨惡其不附已坐封駁制書貶夢錫為池州判官

棄忠拒諫此其始也

奸臣得計欲擅威權於是有保大二年正月八日勅公

卿庶僚不得進見

時勅齊王景遂總庶政惟馮延巳魏岑查文徽得白事餘非召對不得見

給事中蕭儼上疏極論不報賈崇叩閤切諫涕下嗚咽始得感悟遽寢是令

履霜堅冰言者

恂恂再降御札方釋羣疑御史張緯論事忤傷權要其

貶官勅曰罔思職分傍有奏論御史奏彈尚為越職况

非御史孰敢正言嚴續國之戚里備位大臣不附奸險

尚遭排斥

續可求之子烈祖以女妻之元宗即位進禮部尚書時齊丘專國公卿皆附之惟續持正

不屈卒為黨人所排出為池州刺史

張義方上疏僅免嚴刑自是守正者

得罪朋邪者信用上之視聽惟在數人雖日接羣臣終

成孤立陛下深思遠慮始信終疑復常夢錫宥密擢蕭

臣乾學曰樹德
莫如滋去惡莫
如盡非已甚也
亦謂邪正不兩
立耳偏據之朝
乃有此論非庸
中矯矯耶

儼侍從授張緯赤令

赤縣之令

羣小疑懼與酷吏司馬正彞

同惡相濟迫脅忠臣高越之與盧氏義兼親故受其寄

託痛其侵陵訴於君父乃敢蔽陛下聰明枉法竄逐

馮延

已素惡盧文進文進亦不少下文進死延已誣以陰事
收其諸子於獄欲藉其家營田判官高越文進女夫也
上書訟冤指延已過詞氣甚厲時延已方用事羣凶勢
元宗怒其言切以越屬吏貶為蘄州司士參軍

羣凶勢

力可以回天在外者握兵居中者當國師克在和而三
凶邀利迭為前却天生五材國之利器一旦為小人忿
爭妄動之具使精銳者奔走饋運者死亡穀帛戈甲委

而資寇取弱隣邦貽譏海內同列之中有敢議論則馮
魏毀之於中正彛持之於外構成罪狀死而後已今陳
覺延魯雖已伏辜而魏岑猶在本根未殄枝幹復生馮
延已善柔其色才業無聞憑恃舊恩遂階任用蔽惑天
聰斂怨歸上高審知累朝宿將墳土未乾逐其子孫奪
其居第使輿臺竊議將帥狐疑陛下方以孝理天下而
延已母封縣太君妻為國夫人與弟異居捨棄其母作
為威福專任愛憎咫尺天威敢行欺罔以至紀綱大壞

刑賞失中風雨由是不時陰陽以致失序傷風敗俗蠹
政害人蝕日月之明累乾坤之德天生魏岑道合延已
蛇豕成性專利無厭逋逃歸國鼠奸狐媚讒疾君子交
結小人善事延已遂當樞要面欺人主孩視親王侍燕
誼譁遠近驚駭進俳優以取容作淫巧以求寵視國用
如私財奪君恩為己惠上下相蒙道路以目征討之柄
在岑折簡帑藏取與繫岑一言先帝卑宮勤儉陛下守
之勿失而岑營建大第廣役丁夫孽子之居過於內殿

亭觀之侈逾於上林前年建州勞還文徽入覲西苑會燕
捨爵策勲岑披猖無禮狂悖妄言與延已用意多私行
恩不當俾軍士懷恨怒之志受賞無感勵之心將校爭

功誼動京邑奸謀詭計誑惑國朝致漳州屠害使者

文查

徽固請伐王延政遂敗績於蓋竹待詔賊循屯兵邵武被執死焉

福州違拒朝命

保大三年

閩李仁達以福州來附賜名弘義四年陳覺諭弘義入朝不從

百姓肝腦塗地國家帑

藏空虛福州之役岑為東面應援使而自焚營壁縱兵

入城使窮寇堅心大軍失勢

弘義既不入朝覺恥無功擅興汀建撫信州兵以岑

為應援使與延魯王崇文四面攻之彼此爭功而岑九
躁悻輒自焚營壁縱兵入城為福人所殲弘義又乞師
於吳越兵至延魯與戰大敗諸軍皆潰軍法逗遛畏懦
委軍實戎器數十萬國帑為之虛耗焉軍法逗遛畏懦
者斬律云主將守城為賊所攻不固守而棄去及守備
不設為賊掩覆者皆斬昨勅赦諸將蓋以軍威政令各
非已出岑與覺延魯更相違戾互肆威權號令並行理
在無赦烈祖孝高皇帝櫛風沐雨勤勞二紀成此慶基
付之陛下比諸鄰邦我為強國奈何賞罰大柄肆奸宄
之謀軍國資儲為凶狡所散昨天兵敗衄統內震驚將

雪宗廟之羞宜醢奸臣之肉已誅二罪未塞羣情盡去
四凶方祛衆怒今民多飢饉政未平和東有伺隙之隣
北有霸強之國東謂吳越北謂後漢市里訛言遐邇危懼陛下宜
軫慮殷憂誅鋤虺蜮延已不忠不孝在法難原魏岑同
罪異誅觀聽疑惑請行典法以謝四方

歐陽廣

吉州吉水人仕於南唐為縣令

論邊鎬必敗書

保大中廣薄遊湖湘時邊鎬下湖南將遂取桂州而鎬御下無

法又不為備廣策其必敗因詣闕上書書入不省及失湖南元宗思廣言命授以官執政

質言無華論事諧暢

請召試廣不肯
乃授本縣令

臣近遊潭州伏見節度使邊鎬初非將才偶逢聖代加之任使措置乖刺大失人心致奉節兵士乘夜大呼共焚譙門會明而遁散不然幾致大變是仁不足惠下也

鎬得湖南會南漢潘崇徹攻郴州鎬禦之敗績遂失郴州未幾而孫朗之亂作朗故奉節軍校也歸附於鎬鎬薄其廩給糧料使王紹顏又刻削之朗與諸卒恟恟思亂官屬請斬紹顏以謝將士鎬不聽朗乃謀殺鎬及紹顏夜率所部焚府門火輒不發傳漏者覺之亟吹角以亂之朗等以為將旦斬關出奔盡以潭州虛實告劉言言素懷叛志得朗大喜鎬朗陵近在肘掖曾不為虞朗不為備言襲之鎬遁走

即劉言也時
言在朗州

乃圖桂林以取奔走是智不足謀遠也與
監軍使昌延恭不相協和動輒疑阻是義不足和衆也
堂堂幕府空無才賢是禮不足得士也軍中號令朝出
暮更是信不足使人也五者無一長考之前古未或不
敗請擇帥濟師以全境土

潘佑

幽州人陳喬韓熙載交薦于南唐元宗起家
秘書省正字後主嗣位為內史舍人上疏極

論時政歷詆大臣將
相後主發怒乃自殺

代南唐主勸南漢劉鋹書

宋開寶三年南漢主
劉鋹遣兵侵道州宋

事大之誠交鄰之道此書兩得之

道州刺史王繼勲言銀肆為暴虐數出盜邊請師南伐宋乃詔江南國主李煜以書諭銀稱臣歸湖南舊地因命潘佑為書遣給事中龔慎儀持以遺銀

僕與足下叨累世之盟雖疆畿阻濶休戚實同敢奉尺

書敬布腹心昨大朝伐楚足下疆吏弗靖遂成釁隙

宋乾

德二年銀遣師侵宋潭州為潘美所敗銀以邵廷珪為招討使帥舟師以拒宋初為足下危之

今者敝邑使臣入貢皇帝幸以此宣示曰彼若能幡然改圖單車之使造廷則百萬之師不出矣不然將有不得已者僕料大朝之心非貪土地也怒於不賓而已且

臣英曰明於順逆之理達於時

勢之言故能與
切不浮足以聳
聽

古之用武不計強弱大小而必戰者有四父母宗廟之
讐一也彼此烏合民無定心二也敵人進不捨我退無
守路戰亦亡退亦亡三也彼有敗亡之勢我乘進取之
機四也今足下與大朝無是四者而坐受天下之兵決
一旦之命安國家利社稷者固如是乎夫強則南面而
王弱則玉帛事大屈伸在我何常之有違天不祥好爭
危事天方相楚尚未可爭而況今日之事耶地莫險於
劍閣而蜀亡矣

蜀亡于乾
德三年

兵莫強於上黨而李筠失守

矣建隆三年太祖拔澤州李筠自焚死竊意足下國中必有矜智好謀之

臣獻尊主強兵之策謂五嶺之險

五嶺大庾始安臨賀桂陽揭陽也

非

可遽前堅壁清野絕其饒道依山阻水射以強弩彼雖百萬之兵安能成功不幸而敗則輕舟浮海猶足自全豈能以萬乘之主而屈於人哉此說士之常談可言而不可用異時王師南伐水陸並舉百道俱進豈暇俱絕其饒道盡保其壁壘或用吳越舟師自泉州航海不數日至足下國都矣人情恟恟則舟中皆為敵國忠義敢

死之士未易可見雖有巨海孰與足下俱行乎近奉大
朝諭旨以為足下無通好之心必舉上秋之役即命敝
邑速絕連盟雖善鄰之心期于永保而事大之節焉敢
固違恐煜之不得事足下也臣子之情尚不逾于三諫
煜之極言於此三矣是為臣者可以逃為子者可以泣
為交友者亦惆悵而遂絕矣

張得書因慎儀驛書答江
南國主詞多不屈宋主乃

命潘美伐之張出降○全文載宋史幾二千
餘言此從陸游南唐書中錄出較為簡淨

馮涓

字信之夔州東陽人唐大中進士王建
表為節度判官歷官前蜀御史大夫

此亦是節要語然
意已周至

諫蜀主屢興兵旅疏

古之用兵非以逞威暴而肆殺戮蓋以安民為先豐財
為本湯武無忿怒之師高光有魚水之士故能應天順
人弔民伐罪今土德云衰朱梁逞虐雍都洛邑盡是荆
榛江南山東各有割據鬪力則人各有力用兵則人各
有兵陛下欲以一方之強舉萬全之策臣恐陛下之憂
不在於秦雍而在於肘腋之下也

幸寅遜

夔州雲安監人唐上柱國幸希玄之後善
屬文後主孟昶時為茂州錄事參軍後加

意矯勁而語聲拔

史館修撰與修前蜀書寅遜常夢掌中抽草占者曰君必作學士未幾果遷翰林學士後隨後主降宋年九十餘尚有仕進意治裝赴闕未行而卒

諫擊毬疏

後主初嗣位酷好擊毬馳騁雖盛暑不已左右多不敢諫寅遜乃上疏云

臣聞召公曰玩人喪德玩物喪志不作無益害有益功乃成不貴異物賤用物民乃足又曰不寶遠物則遠人格所寶惟賢則邇人安夫心猶火也縱則自焚故文王命周公召公太公畢公輔相太子發太子嗜鮑魚太公不進曰鮑魚不登于俎豆豈可以非禮養太子哉由此

觀之飲食必遵禮況起居玩好乎高祖皇帝

孟知祥也

節衣

儉食惠養黎元化家為國傳之陛下陛下宜親賢俊去壬

佞視前代書傳究歷世興廢選端良之士置於左右訪時

政得失天下利病奈何博戲擊鞠妨急政事奔車躍馬

輕宗廟社稷昔陶侃藩臣猶投擣捕於江

晉書侃叅佐或以戲廢事

者侃取其蒲博棋局之具悉投於江

況萬乘之主乎前蜀王氏覆車不遠

矣

前蜀王衍以荒淫亡

臣又聞食君之祿懷君之憂臣雖為外官

每聞陛下賞一功誅一罪未嘗不振衣踴躍以為再覩

有唐貞觀之風也。今復聞陛下採戲打毬，雖宮禁無事，止於釋悶，亦可一兩時為之。臣慮積習生常，不惟勞倦，聖體復且妨於庶務。諸司申覆，因之淹滯。其次奔蹄失馭，奄有驚蹶。陛下雖自輕，奈宗廟社稷何？後主得疏，雖不能盡從，亦優容不之罪也。

田淳

成都人，仕蜀為龍游令。屢於後主孟昶前言王昭遠、伊審徵、韓保貞不可當大任，為朝貴。

切齒官卒不顯

言朝政得失疏

淳好談治亂，大畧廣政中後主與周世宗交惡，叠興師旅。淳因

蜀文類不卑弱豈
揚馬之餘風使然
耶

疏上

伏見三年以來民頗怨嗟謂陛下求賢失道為政不平
重纂組奪女工貴雕鏤損農事法令不信賞罰無誠納
諫之心微自滿假馭朽之年漸乖始卒載舟覆舟不可
不懼而況北有大敵方藉支禦若失人心其何以濟臣
又見頻發士卒遠戍邊庭人心搖動莫測其故家構異
議如臨湯火人且憂駭將何撫寧若夫舉動興師須明
利害況闕大事豈可容易必若金鼓一鳴前鋒稍却一

臣士奇曰僻處
庸蜀原無可為
能勤其主固守
封境相時內附
斯為謀國之良
矣詞意亦甚簡

敗一成疾如反掌願陛下先事而計無貽後患今之動
靜頗涉因循臣不知所發之兵為防邊乎為赴敵乎若
云防邊不當驟有徵發則須先決便宜師出無名三軍
必怨三軍既怨何以成功以我朝之甲兵擬柴氏之士
馬以我朝之將領比柴氏之師帥以我朝之帑藏比柴
氏之囷廩至於法律刑名聲明文教彼長此大差等不
同須用權奇以謀拒捍若二國交鬪恐未十全況我天
府之邦用武之地一夫守隘萬旅無前假使柴師由於

野戰攻城奪壘利在平川倘入隘途如無手足願陛下
以短兵自固扼塞要衝分布腹心把斷細徑精加號令
老彼敵師縱柴氏親來未敢便謀深入以日繼月以月
繼年敵勢自羸我師彌銳不折一戟不失一卒而柴氏
自疲信所謂彼竭我盈以逸待困此為上計合符天機

吳越王錢鏐

字具美杭州臨安人始從董昌為偏將後討劉漢宏封彭城郡開國侯董

昌僭亂鏐討平之遂有吳越之地為吳越王諡武肅

杭州羅城記

唐景福元年鏐率十三都兵洎徒役二十餘萬築羅城自秦望山薄

涉筆嫺雅亦有淵
渾之氣

錢塘湖霍山范浦
七十里自為之記

大凡藩籬之設者所以規其內溝洫之限者所以虞其

外華夏之制其揆一焉故魯之祝丘

桓公五年
城祝丘

齊之小

穀

莊公三十二年城小
穀左傳為管仲也

猶以多事不時而成況在州郡

之內乎自大寇犯闕

黃巢入
長安也

天下兵革而江左尤所繁

併余始以郡之子城歲月滋久基址老爛狹而且卑每

至點閱士馬不足迴轉遂與諸郡聚議崇建雉堞

方大
曰堞

三堞曰雉一雉者長三丈高
一丈也堞者城上女垣也

夾以南北矗然而峙帑藏

臣杜訥曰重關
設險具見未雨

綱繆文復磊落
光昌有揮塵而
談顧盼自雄之
致

得以牢固軍士得以帳幕是所謂固吾圉

圉邊陲也左傳卿以固吾

圍以是年上奏天子嘉以拙政優詔獎飾以為牧人之

道其盡此乎俄而孫儒叛蔡渡江侵吾西鄙以剪以逐

蹶於宛陵勁弩之次泛舟之助我有力焉

大順二年孫儒自淮南入

姑蘇將乘勝以圖越鏐出舟師禦之儒遂燒掠蘇常進逼宣州因圍楊行密行密遣使求救鏐出糗糧甲兵以助之敗之於宣城斬儒首傳送京師泛舟秦魏晉粟自雍及絳人謂泛舟之役後始念子城之

謀未足以為百姓計東眄巨浸轉閩粵之舟櫓北倚郭邑通商旅之寶貨苟或侮刼之不意攘竊之無狀則向

者吾皇優詔適足以自慚由是復與十三都

十三都者石鏡清平

於潛鹽官新登唐山富春龍泉八都外又有紫溪保城龍通三泉三鎮是為十三都經緯羅郭上

上下下如響而應爰自秋七月丁巳訖於冬十有一月

某日由北郭以分其勢左右而翼合於冷水源綿亘若

千里其高若干丈其厚得之半民庶之負販童髦之緩

急燕越之車蓋及吾境者俾無他慮千百年後知我者

以此城罪我者亦以此城苟得之於人而損之已者吾

無媿云

名義森嚴故辭論
侃侃

丁思艱

楚牙將

諫楚王馬希範書

希範馬殷第四子性奢侈作會春園嘉晏堂其費鉅萬加

賦國中思艱廷諫希範謝之思艱嘆目視希範曰孺子終不可教也乃扼喉而死

先王起卒伍以攻戰而得此州倚朝廷以制隣敵傳國三世有地數千里養兵十萬今天子蒙塵朝廷無主真霸者立功之時誠能悉國之兵出荆襄以趣京師倡義於天下桓文之業也奈何耗國用而窮土木為兒女之樂乎

御選古文淵鑒卷四十一

欽定四庫全書

御選古文淵鑒卷四十二目錄

宋

太祖

諭輔臣詔

平刑詔

下孟昶詔

禁獻羨餘詔

禁鑄銅詔

治河詔

江南平下詔

太宗

非課最不書勞績詔

限日決獄詔

禁喪葬舉樂詔

戒許王元僖等詔

止尊號詔

答樊知古詔

選寺監官詔

平權衡詔

議立贖法詔

賜上官正手札

申理冤滯諭

答李至詔

真宗

順時行火詔

切責陳堯咨詔

仁宗

戒貢士進學詔

恤刑詔

禁按赦前事詔

立制科舉詔

給致仕官奉詔

改定樂制詔

戒百官詔

頒樂名大安詔

戒飭轉運使詔

戒百官詔

賑濟災傷路詔

敕百工敦行實詔

頒久任格詔

英宗

飭百官詔

飭舉人制

神宗

賜韓琦詔

諭邊臣詔

求直言詔

求言詔

諭文彥博手詔

資治通鑑序

高宗

罷上壽詔

察吏詔

幸學手詔

禁加耗詔

孝宗

斷獄詔

獎諭魏王愷詔

興水利詔

賜魏王愷詔

禁兩稅折錢詔

罷官鬻鹽詔

光宗

諭守令詔

寧宗

賑荒詔

理宗

從祀五臣詔

罪已詔

欽定四庫全書

御選古文淵鑒卷四十二

內閣學士兼禮部侍郎教習庶吉士臣徐乾學等奉

旨編注

宋

伯益之後五代喪德九土分裂太祖以歸德軍節度使受周禪乘火而帝興於商丘為火墟因建有天下之號曰宋自太祖厯南渡至度宗共三百十七年

太祖

諱匡胤姓趙氏涿郡人宣祖弘殷仲子母昭憲太后杜氏事周為殿前都點檢恭帝初將

兵禦契丹至陳橋驛而還受恭帝禪

承五代僭亂之後
故以慎刑辟肅紀
綱為要

明罰勅法情見乎
言

諭輔臣詔

建隆
三年

五代諸侯跋扈有枉殺人者朝廷置而不問人命至重
姑息蕃鎮當若是耶自今諸州決大辟錄案聞奏付刑
部覆視之

平刑詔

建隆
三年

禁民為非乃設法令臨民以簡必務哀矜竊盜之生本
非巨蠹近朝立制重於律文非愛人之旨也自今竊盜
贓滿五貫足陌者死

誼本寬大詞亦溫
藹

下孟景詔

乾德二年十一月命忠武節度使王全斌等率步騎六萬討蜀十二月全

斌入利州敗其將王昭遠三年正月蜀主景降全斌入成都景遣其弟雅王仁贇奉表求

哀帝
賜詔

朕以受命上穹臨制中土姑務保民而崇德豈思右武

以佳兵

老子佳兵者不祥之器

至於臨戎蓋非獲已矧惟益部僻

處一隅靡思僭竊之愆輒肆窺覷之志潛結并寇自啟

釁端

先是王昭遠勸蜀主遣孫遇趙彥韜等以蠟彈書潛約北漢令其濟河同舉彥韜以書上聞

爰

命偏師往申弔伐靈旗所指逆壘自平朕嘗中宵撫然

兆民何罪屢馳驛騎嚴戒兵鋒務宣拯溺之懷盡招攜
之禮而卿果能率官屬而請命拜表疏以祈恩託以慈
母景母李氏景降表言有親年幾七十願終甘旨之養免賜睽離之責保其宗祀悉封府
庫以待王師追咎改圖將自求於多福匿瑕含垢當盡
滌於前非朕不食言爾無它慮

禁獻羨餘詔

乾德四年

英明語正不在多
出納之吝謂之有司儻規致於羨餘必深務於培克知
先化軍張全操上言三司令諸處場院主吏有羨餘粟

真懇之意溢於行
墨

及萬碩芻五萬束以上者上其名請行賞典此苟非倍
納民租私減軍食亦何以致之宜追寢其事勿復頒行
除官所定耗外嚴加止絕

禁鑄銅詔

開寶
三年

古者不貴難得之貨後代賦及山澤上加侵削下益彫
弊每念茲事深疚於懷未能捐金於山豈忍奪人之利
自今桂陽監歲輸課銀宜減三分之一民鑄銅為佛像
浮圖及人物之無用者禁之銅鐵不得闌出蕃界及化

外

治河詔

開寶五年五月河大決澶州濮陽縣又決大名府朝城縣河南北皆大水發諸

州軍士及丁夫凡五萬人塞決河命
潁州團練使曹翰護其役帝下詔

近者澶濮等數州霖雨薦降洪河為患朕以屢經決溢
重困黎元每閱前書詳究經瀆至若夏后所載但言導
河至海隨山濬川未嘗聞力制湍流廣營高岸自戰國
專利埋塞故道小以妨大私而害公九河之制遂隳歷
代之患弗弭凡搢紳多士草澤之倫有素習河渠之書

骨秀神腴雅詞令
則

深知疏導之策若為經久可免重勞並許詣闕上書附

驛條奏朕當親覽用其所長勉副詢求即示甄獎

是月決口

盡塞

江南平下詔

開寶九年二月平江南都部署曹彬以李煜至京師授右千牛衛上

將軍封違命侯帝降詔

上天之德本於好生為君之心貴乎含垢自亂離之云

瘼致跨據之相承諭文告而弗賓申弔伐而斯至慶茲

混一加以寵綏江南偽主李煜承奕世之遺基據偏方

而竊號惟乃先父早荷朝恩

建隆元年宋太祖受周禪放江南降將三十四人歸

臣熙曰只上天

好生一語已見

帝王度量哉而

伐之服而舍之

威德並行仁義

兼盡規模遠大

不獨詞藻之工

本國煜父元宗

李景遣使朝貢當爾襲位之初未嘗稟命

建隆二年元宗殂煜嗣位

乃遣馮延魯

奉表陳襲位朕方示以寬大每為含容雖陳內附之言

罔效駿奔之禮聚兵峻壘包蓄日彰朕欲全彼始終去

其疑間雖頒名節亦冀來朝

開寶七年九月帝遣李穆使江南召煜入朝

庶

成玉帛之儀豈願干戈之役蹇然弗顧潛蓄異謀

穆至江南

煜將從之為陳喬張洵所止遂稱病固辭

勞銳旅以徂征傳孤城而問罪泊

聞危迫累示招攜何迷復之不悛果覆亡之自掇昔者

唐堯光宅非無丹浦之師

呂氏春秋堯戰於丹水之浦以服南蠻

夏禹泣

辜不赦防風之罪稽諸古典諒有明刑朕以道在包荒

恩推惡殺在昔騾車出蜀

晉諸公贊劉禪乘騾車詣鄧艾不具亡國之禮

青蓋

辭吳

吳先有青蓋入洛之謠孫皓應之

彼皆閏位之降君不預中朝之

正朔及頒爵命方列公侯爾實為外臣戾我恩德比禪

與皓又非其倫特升拱極之班

宋十六衛在京師為環衛取環拱之義此指煜

為右千牛衛也

賜以列侯之號式優待遇盡捨尤違

太宗

初名匡義改賜名光義宣祖第三子太祖受禪封晉王初昭憲太后約太祖傳位晉王太

明達治體有標點
陟之典

祖崩晉王即位更名炆

非課最不書勞績詔

太平興國六年

古者懋建庶官分治百職考其幽明之狀以申黜陟之
典今則無聞焉故京朝官釐務於外者咸給以御前印
紙令書治迹而主司不能彰明臧否但以細碎之事混
淆其間非所以副朕詳求之意也自今循常之務非課
最者不得書為勞績其殿犯無有所隱

限日決獄詔

太平興國六年

事關教化之本故
言之不厭其詳

諸州大獄長吏不親決胥吏旁緣為姦逮捕證佐滋蔓
踰年而獄未具自今長吏每五日一慮囚情得者即決
之復制聽獄之限大事四十日中事二十日小事十日
不他逮捕而易決者毋過三日

禁喪葬舉樂詔

太平興
國七年

訪聞喪葬之家有舉樂及令章者蓋聞隣里之內喪不
相春

曲禮隣有
喪春不相

苴麻之旁食未嘗飽此聖王教化之道

治世不刊之言何乃匪人親罹釁酷或則舉奠之際歌

吹為娛靈樞之前令章為戲甚傷風教實紊人倫今後有犯此者並以不孝論預坐人等第科斷所在官吏常加覺察如不用心並當連坐

戒許王元僖等詔

端拱元年正月陳王元僖進封許王韓王元侃為荆南湖

南節度使進封襄王冀王元份為威武建寧節度使進封越王益王元傑為劔南東西兩

川節度使帝下詔四王皆太宗子也

可作一篇家訓讀

朕周顯德中年十六時江淮未賓從武昭皇帝南征屯於揚泰等州

顯德三年周世宗征南唐宋太祖之父弘殷以右廂都指揮從克揚州又克泰州弘

殷卒後太祖代周追尊為宣祖武昭皇帝朕少習弓馬屢與賊交鋒賊應弦

而踣者甚衆太祖駐兵六合

時太祖別克清流闢將兵二千趨六合

聞其

事拊髀大喜年十八從周世宗太祖下瓦橋闢瀛莫等

州

顯德六年太祖以水陸都部署從世宗北征平闕南

亦在行陣洎太祖即位親

討李筠李重進朕留守帝京

建隆元年五月昭義節度使李筠叛太祖親征命太

宗以大內都點檢居守九月淮南節度使李重進叛太祖親征命太宗以大內都部署居守

鎮撫都

下上下下如一其年蒙委兵權歲餘授開封尹歷十六七

年民間稼穡君子小人真偽無不更諳即位以來十三

年矣朕持儉素外絕畋遊之樂內鄙聲色之娛真實之言故無虛飾汝等生於富貴長自深宮民庶艱難人之善惡必恐未曉畧說其本豈盡余懷夫帝子親王先須克己勵情聽卑納諫每著一衣則憫蠶婦每餐一食則念耕夫至於聽斷之間勿先恣其喜怒朕每親臨庶政豈敢憚於焦勞禮接羣臣無非啟沃汝等勿鄙人短勿恃己長乃可永守富貴而保終吉先賢有言曰逆吾者是吾師順吾者是吾賊此不可不察也

誠
偽謙之語出於至

止尊號詔

端拱二年十二月先是太平興國六年羣臣上帝尊號為應運統天睿文

英武大聖至明廣
孝皇帝至是降詔

古先哲王託居人上益務求於至治豈有尚於虛名矧
帝皇之稱已極崇大爰自唐室始加美號徇臣子之愛
戴著方策之典常踵事增華積習無改朕亦博考載籍
追法古道既異三五之舊制深懼賓賓之有踰憮然自
思不遑寧處自今四方所上表宜只稱皇帝
德茂盛但可增益尊名今忽省去羣臣無不
震駭趙普又率百官上表請復尊號皆不許

呂蒙正等
奏陛下功

答樊知古詔

端拱二年知古為河北西路招置營田使請修城木五百餘萬牛革

三百萬帝降詔○知古初名若水自南唐來歸賜名知古

起勢甚突兀詞義亦深確而不泥於正

萬里長城宜在於此自古匈奴黃河互為中國之患朕自即位以來或疆場無事則有修築河隄之役近者邊烽稍警則黃河安流無害此蓋天意更迭垂戒常令惕厲然而預備不虞古之善教深溝高壘亦王公設險之義也所請過當不亦重困吾民乎

帝既下詔仍命有司量以官物給之

選寺監官詔

端拱三年

古雅有則不類浮靡之音

九寺三監國之羽儀

九寺太常寺宗正寺光祿寺衛尉寺太僕寺大理寺鴻臚寺司農寺

太府寺三監國子監少府監將作監

制度聲名往往而在各有副貳率其

司存品秩素高職任尤重郎吏遷授斯為舊章比聞縉紳之流頗以臺閣自許目為散地甚無謂焉朕將振之自我而始

平權衡詔

淳化三年

書云協時月正日同律度量衡

書舜典

所以建國經而立

民極也國家萬邦咸乂九賦是均顧出納於有司繫權

語本周官彌覺簡責

衡之定式如聞秬黍之制或差毫釐錘鈎為姦害及黎庶宜令詳定稱法著為通規

議立贖法詔

淳化四年

本欽恤以為心故言之惻惻

先王用法簡約使人知禁而易從後代設茶酒鹽稅之禁奪民厚利刑用滋章今之編敕皆出律外又數改更官吏且不能曉百姓安得聞之一陷於理情雖可哀法不得贖豈禮樂之化未行而專用刑罰之弊與漢文帝使天下人入粟於邊以受爵免罪幾於刑措其議科條

非著於律者或冒利犯禁奢侈違令或過誤可憫別為贖法鄉民以穀麥市人以錢帛使人重穀麥免刑罰則農桑自勸富壽可期矣

賜上官正手札

正時為西川招安使恃平蜀功數面攻兩川官吏之短有上章

訴其不法者帝欲保全之手札戒諭

言者君子之樞機樞機之發榮辱之主不可不慎也夫遇事輒發悔不可及倘自恃無瑕而好面攻人之短豈謂喜怒不形於色耶當以和輯遠民為念斯盡善矣

不為督責之詞而
勸勉肫切仁者之
言稿如也

申理冤滯諭

中外臣僚皆留心政務天下安有不治者古人宰一邑

守一郡使飛蝗避境猛虎渡河

宋均為九江太守郡多虎暴均至虎相與東遊

渡江楚沛多蝗其飛至九江界者輒東西散去

況能惠養黎庶申理冤滯豈不

感召和氣乎朕每自勤不怠此志必無改易或云有司

細故帝王不當親決朕意則異乎是若以尊極自居則

下情不能上達矣

答李至詔

真宗初正儲位以至與李沆並兼賓客詔太子事以師傳禮真宗每見必

明暢脩潔

先拜至等上表
不敢當詔答之

朕旁稽古訓肇建承華用選端良資於輔導藉卿宿望
委以護調益將勗以謙冲故乃異其禮數勿飾當仁之
讓副予知子之心

真宗

太宗第三子初名德昌封韓王改名元休封
襄王又改名元侃進封壽王立為皇太子改

名恒
即位

順時行火詔

大中祥
符四年

火田之禁著在禮經

周禮火禁註火弊火止也春田主
用火因焚萊除陳草皆殺而火止

事既近古大亦爾
雅可觀

王制昆蟲未蟄不以火田山林之間合順時令其或昆蟲未蟄草木

猶蕃輒縱燎原則傷生類諸州縣人畬田並如鄉土舊例自餘焚燒野草須十月後方得縱火其行路野宿人所在檢察毋使延燔

切責陳堯咨詔

大中祥符八年七月先是堯咨以尚書工部郎中知永興軍豪

侈不法嘗以氣凌轉運使樂黃目黃目不能堪求解去遂徙堯咨知河南府又有發其前知長安時不法事落職知鄧州至是其兄樞密使堯叟為言於帝請復其官帝不許僅令知制誥又聞堯咨自謂遭讒時怏怏遂下詔切責之

詞雖峻切而意却
寬厚

卿知永興日所為乖當非獨用刑慘酷也如擅置武庫
建視草堂開三門築甬道出入列禁兵自衛此豈人臣
所宜衆論甚喧不但樂黃目奏也朕念卿母氏耆年堯
叟朝夕近侍未欲窮究姑示薄責旋加甄叙成命既出
羣言愈譴卿曾不內省但曰為人所傾自今宜體國恩
改過遷善不然當以前後事狀盡付有司

仁宗

諱禎初名受益真宗第六子初封慶國公進
封壽春郡王又封昇王立為皇太子即位

戒貢士進學詔

天聖初貢禮部數詘者得特
奏名或因循不學帝乃下詔

廣勵人才深得激
勸之道

學猶殖也不學將落遜志務時敏厥修乃來朕慮天下
之士或有遺也既已臨軒較得失而憂其屢不中科則
衰邁而無所成退不能返其里閭而進不得預於祿仕
故常數之外特為之甄采而掄於寬恩遂隳素業苟簡
成風甚可恥也自今宜篤進厥學無習僥倖焉

恤刑詔

天聖
四年

有益明允之治
朕念生齒之蕃抵冒者衆法有高下情有輕重而有司
巧避微文一切致之重辟豈稱朕好生之志哉其今天

詞旨濃厚意在觸
滌煩苛

下死罪情理可矜及刑名疑慮者具案以聞有司無得

舉駁

其後雖法不應奏吏當坐罪者審刑院貼奏率以恩釋為例名曰貼放吏始無所牽制請讞者多得

減死
矣

禁按赦前事詔

天聖七年

蓋聞治古君臣同心上下協穆而無激訐之俗何其德
之盛也朕竊慕焉嘉與公卿大夫同底斯道而教化未
至澆薄日滋比者中外羣臣多上章言人過失暴揚難
驗之罪或外託公言內緣私忿詆欺曖昧苟陷善良又

赦令者所以與天下更始而有司多舉按赦前之事殆
非信命重刑罰使人洒心自新之意也今有上言告人
罪言赦前事者訊之至於言官宜務大體非事關朝政
自餘小過細故勿須察舉

立制科舉詔

天聖七年先是大中祥符元年言者以兩漢舉賢良多因兵荒災變

所以詢訪闕政今國家受瑞登封無闕政也
安取此乃罷其科惟吏部設宏詞拔萃平判

等科如舊制

至是乃下詔

朕開數路以詳延天下之士而制舉獨久不設意者吾

制詔文以便筆為
之便爾生色

曲體人情言之懇
側

豪傑或以故見遺也其復置此科

給致仕官奉詔

致仕官舊皆給半奉而未嘗為顯官者或貧不能自給
豈所以遇高年養廉恥也其大兩省太卿監正刺史閣
門使已上致仕者自今給奉並如分司官例仍歲時賜
羊酒米麵令所在長吏嘗加存問

改定樂制詔

皇祐二年閏十一月召太子中舍
致仕胡瑗同阮逸等定鐘磬制度

下詔

淹雅之詞出之鄭
重昇平氣象巍然
可思

朕聞古者作樂本以薦上帝配祖考三五之盛不相襲
法然必平定始克明備周武受命至成王時始大合樂
漢初亦沿舊樂至武帝時始定泰一后土樂詩光武中
興至明帝時始改大予樂之名唐高祖造邦至太宗時
始定鍾律明皇方成唐樂是知禮樂重事須三四世聲
文乃定國初亦循用王朴竇儼所定周樂太祖患其聲
高遂令和峴減一律真宗始議隨月轉律之法咸平四年太常
寺言樂工習藝匪精每祭享郊廟止奏黃鍾宮一調未
嘗隨月轉律乃命翰林學士夏侯嶠判寺郭贊同按試

擇曉習月律
者增其奉

屢加按覈然念樂經久墜學者罕專歷古

研覃亦未完緒頃雖博加訪求終未有知聲知經可信

之人嘗為改更未適茲意中書門下集賢院及太常禮

樂官以天地五方神州日月宗廟社稷祭享所用登歌

宮縣審定聲律是非按古合今調諧中和使經久可用

以發揚祖宗之功德朕何憚改為但審聲驗書二學鮮

並互詆胸臆無所援據慨然希古靡忘於懷

于是中書門下集兩

制太常官置局于

秘閣詳定大樂

欽定四庫全書

御選古文淵鑒

十五

琢句近古以道勦
為工

戒百官詔

皇祐三年二月時茶法大壞芻粟之
入大約虛估券至京師為南商所抑

往往不售北商無利入中者寡公私兩弊知
定州韓琦等以為言下三司議三司請入中
糧草仍用見錢法帝可之
慮復有言者特下詔申戒

朕惟古之善為國者使變通不倦而公私相足比食貨
法壞芻粟價益倍縣官之費日長商賈不行豪富之家
乘時牟利本末相橫吏緣為姦故詔近臣考決大議今
利害曉白尚慮輕肆之人陳舞空言幸搖其端夫利百
而法乃變令下而議不起然後民聽不眩而憲度行焉

自今有依前事為議者並須究知厥理審可施行若其事已上而驗問無狀者寘之重罰

頒樂名大安詔

皇祐三年七月兩制禮官王堯臣等上言按太常天地宗廟四

時之祀樂章凡八十九曲自景安而下七十五章率以安名曲豈特本道德政教嘉靖之美亦緣神靈祖考安樂之故臣等謹上議國朝樂宜名大安帝下詔

制作闕乎典禮有此大雅之篇庶足以鋪揚鴻業

朕惟古先格王隨代立樂亦既制作必有稱謂緣名以討義由義以知德蓋名者德之所載而行遠垂久之致焉故韶以紹堯夏以承舜獲以救民武以象伐傳之不

臣廷敬曰樂必有名必有義此語所以顯揚先烈傳無窮也其文雅則而不靡綉可以執盾追漢

朽用此道也國家舉墜正失典章交備獨斯體大而有司莫敢易言之朕憫然念茲大懼列聖之休未能招揭於天下之聽是用申敕遠求博講而考定其衷今禮官學士迨三有事之臣同寅一辭以大安之議來復且謂藝祖之戡暴亂也安天下之未安其功大二宗之致太平也安天下之既安其德盛洎朕之承聖烈也安祖宗之安安其仁厚祇覽所議熟復於懷恭惟神德之造基神功之戢武章聖恢清淨之治冲人蒙成定之業雖因

能惠俗吏之典故
明透乃爾

世之迹各異而靖民之道同歸以之播鐘球文羽籥用
諸郊廟告於神明曰大且安誠得其正

戒飭轉運使詔

嘉祐三年

朕惟分治州縣付之守令按督守令付之轉運使提點
刑獄而比年以來吏或貪恣害物耄昏不事事以弛為
寬以苛為察賦斂有常或增重之以為勞刑罰有經或
出入之以為能而使者莫之舉豈朕所以寄任之意歟
其各思率職毋撓權幸毋縱有罪惠綏吾民以稱朕意

崇尚寬裕足以敦
礪薄俗

戒百官詔

嘉祐
五年

卷四十二

朕樂與士大夫惇德明義以先天下而在位殊趣弗率
朕旨或為危言詭行務以驚衆而取譽罔上而邀寵論
事之官搜抉隱微無忠恕長厚之風託迹於公而原其
本心實以合黨圖私甚可惡也使吾俗靡然陷溺於薄
而望教成治立其可得哉書不云乎聖讒說殄行震驚
朕師舜典舜命
龍之辭中書門下其采端實之士明進諸朝察
矯激巧偽者加放絀焉明揚朕言以厲多士

中誠惻然形諸言
表

賑濟災傷路詔

嘉祐
五年

天災流行蝗潦相繼雖發廩蠲賦而民之捐瘠者尚多
或鬻賣妻子或轉死溝壑方春之時羣物欣豫乃令吾
民不聊若此朕心憫怛怒焉靡寧其令災傷路轉運使
提點刑獄督州縣營濟之察不稱職者

敕百工敦行實詔

嘉祐
五年

治體貴乎博大此
詔得之

臺諫為朕耳目之官而事有不能周知固將博問朝士
大夫以廣聽察乃有險詖之人因緣憎嫉依倚形勢興

造飛語以中傷善良殆非忠厚之行也昔夏后時官師

相規

見夏書
胤征篇

漢之公卿恥言人過今吾士大夫乃違古

人之守蹈薄俗之弊甚無謂也中書門下其為朕申儆

百工務敦行實循而弗改當重紕焉

頒久任格詔

嘉祐
六年

留心吏治播為今
辭

朕觀古者治世牧民之吏多稱其職而百姓安其業今

求材之路非不廣責善之法非不謹而吏多失職非稱

所以為民之意豈人材獨少而世變殊哉殆不得久於

其官故也蓋智能材力之士雖有興利除害禁姦勸善之意非假以歲月則亦媿不為用欲終厥功其路無由自今諸州縣守令有清白不擾政迹尤異而實惠及民者本路若州將政迹實狀以聞中書門下察訪得實許令再任

英宗

諱曙濮安懿王允讓第十三子初賜名宗實仁宗無子立為皇子封鉅鹿郡公嗣帝位

飭百官詔

治平二年

朕觀漢宣之治綜核名實而政事文學法理之士咸精

措詞雅潔亦覺陳言務去

欽定四庫全書

御選古文淵鑒

卷四十二

九

其能繼統之業盛矣朕蒙先帝遺烈懼德不明未燭厥
理乃夙興以思嘉與公卿大夫厲精為治而屬天下承
平日久內外因循惰職者衆未聞推利及民盡心憂國
者也徒累積歲月以幸其進又沽飾名譽以徼所知其
可道者亦不過務在簿書期會之間朕何望焉夫愴嘿
苟簡者弗懲則端良敏濟者無以勸朕持賞罰之大公
固將必行之詩不云乎夙夜匪懈以事一人

大雅 丞百
民篇

執事其易慮孜孜各修厥職以稱朕意

氣體頗似兩漢

飭舉人制

治平二年

臣乾學曰時京師災異屢見帝下詔責躬罷宴減膳禱於山川而制策中亦拳拳下問其敬天

朕享國日淺永惟任大而守重欲聞讜直之言以鑒不逮而未始云獲夫天人之際災祥各緣類而至也朕即位以來非有歌鐘狗馬之虞與夫外家女寵爵位賞罰之過乃二月甲辰大風晝冥四月丁未白氣起西方七月丁丑太白經天八月庚寅大雨注京師半年之間鉅異四發豈朕不共不忱不決不達之致歟是以顧省厥違夙夜靡寧矧今吏治未醇民風未厚官溢而濫入之

卽民之意殆庶
幾焉

源未塞兵衆而選用之法未精田野雖闢而農不免饑
寒關市雖弛禁而商不通有無欲人蹈名節而廉恥常
不立欲人遠刑罰而抵冒常不止宋景一言而勝妖眚
朕下罪已之詔甚祗懼也而未有轉禍之感漢宣終世
以核名實朕發責吏之書甚丁寧也而未有飾職之應
遠鑒百王興壞之所由近慕四聖功業之所就

四聖謂
太祖太

宗真宗
仁宗

何行而適世變何修而當天心子大夫其悉心

以陳

仁言萬永

從容不迫是盛世語

神宗

諱頊英宗長子初名仲鍼英宗即位封安國公進封淮陽郡王潁王立為皇太子即位

賜韓琦詔

熙寧二年

河北歲比不登水溢地震方春東作民攜老幼棄舊廬日流徙於道中夜以興慘怛不安其經制之方聽便宜從事有可以左右吾民者宜為朕撫輯而振全之母使後時以重民困

諭邊臣詔

元豐三年

比者契丹出沒不常不可全恃信約以為萬世之安況

欽定四庫全書

御選古文淵鑒

二十一

河朔地勢坦平畧無險阻殆非前世之比惟是塘水實為礙塞卿等當體朕意協力增修自非地勢高仰人力所不可施者皆在滋廣用謹邊防益功利近在目前而不為良可惜也

求直言詔

時有古氣磅礴其間

朕以菲德承至尊託於公卿兆民之上惟治忽在朕躬夙夜兢兢思有以奉天命下念所以修政事之統愧不敏明未燭厥理夫闢言路通上下之志欲治之主所同

趣也其布告内外文武羣臣若朕知見思慮之所未及
至於朝之闕政國之要務邊防戎事之得失郡縣民情
之利害各令直言抗疏以聞無有所隱言若適用亦以
得人觀其器能當從甄擢惟爾文武其各體朕茲令之
非徒也

求言詔

傳曰近臣盡規以其榮恥休戚與上同也今在此位者
視朕過失與朝廷政事之闕默而不言乃或私議切歎

溫文安雅能以頓挫出之詔令佳品也

若以其責為不在己夫豈皆習見成俗以為當然其亦有含章懷寶待唱而發者也今百度隳弛風俗偷惰薄惡裁異譴告不一此誠忠賢助朕憂惕以勅制改法揀弊除患之時宜令侍從官自今視朕過失與朝廷政事之闕無有巨細各具章奏極言無隱噫言善而不用朕有厥咎道之而弗言爾為不恭朕將用此考察在位所以事君之實明黜陟焉

諭文彥博手詔

馬政圖之所重宜
加意整飭乃爾

方今馬政不修官吏無著效豈任不久而才不盡歟是
何監牧之多官吏之衆而乏才之盛也昔唐用張萬歲
三世典羣牧恩信行於下故馬政修舉後世稱為能吏
唐兵志唐初用太僕少卿張萬歲領羣牧
自貞觀至麟德四十年間恩信行於隴右
今上自提總
官屬下至坊監使臣既非銓擇而遷徙迅速謂之假道
欲使官宿其業而盡其能不可得也為今之計者當簡
其勞能進之以序自坊監而上至於羣牧都監皆課其
功而第進之以為任事者勸焉

資治通鑑序

英宗時司馬光約戰國至秦二世如左氏體為通志八卷以進上悅

之命續其事自治平開局迨元豐成書凡十九年神宗作序賜名資治通鑑詔通英經筵

常令

進講

質而不浮足以綜貫源流包括全史

朕惟君子多識前言往行以畜其德故能剛健篤實輝

光日新

易大畜象傳

書亦曰王人求多聞時惟建事

尚書說命篇

詩書春秋皆所以明乎得失之迹存王道之正垂鑑戒

於後世者也漢司馬遷紬石室金櫃之言據左氏國語

推世本戰國策楚漢春秋采經摭傳罔羅天下放失舊

臣英曰變紀傳
為編年使十六
代事舉如指掌
涑水真史家之
龍會也崇獎揚
龍重以王言足
相輝映矣

聞攷之行事馳騁上下數千載間首記軒轅至於麟止
漢武帝元狩元年獲白麟司馬遷史記
至此而止故曰麟止猶春秋終於獲麟
書傳後之述者不能易此體也惟其是非不謬於聖人
褒貶出於至當則良史之才矣若稽古英考留神載籍
萬幾之暇未嘗廢卷常命龍圖閣直學士司馬光論次
歷代君臣事迹俾就秘閣繙閱給吏史筆札起周威烈
王訖於五代光之志以謂周道衰王室微禮樂征伐自
諸侯出平王東遷齊秦楚晉始大桓文更霸猶託尊王

為辭以服天下自威烈王陪臣執命韓趙魏為諸侯周雖未滅王制盡矣此亦古人述作造端立意之所繇也其所以載明君良臣切摩治道議論之精語德刑之善制天人相與之際休咎庶徵之原威福盛衰之本規模利害之效良將之方畧循吏之教條斷之以邪正要之以治忽辭令淵源之體箴諫深切之義良謂備焉凡十六代勒成二百四十九卷列於戶牖之間而盡古今之統博而得其要簡而周於事是亦典刑之總會冊牘之

淵林矣荀卿有言欲觀聖人之迹則於其粲然者矣後
王是也若夫漢之文宣唐之太宗孔子所謂吾無間然
者自餘治世盛王有慘怛之愛有忠利之教或知人善
任恭儉勤畏亦各得聖賢之一體孟軻所謂吾於武成
取二三策而已至於荒墜顛危可見前車之失亂賊姦
穴厥有履霜之漸詩云殷鑒不遠在夏后之世故賜其

書曰資治通鑑以著朕之志焉耳

又獎諭司馬光詔書
云史學之廢久矣紀

次無法論議不明豈足以示懲勸明久遠哉卿博學多
聞貫穿古今上自晚周下迄五代發揮綴緝成一家之

書褒貶去取有所據依省閱以還良深嘉歎今賜卿銀絹對衣腰帶鞍轡馬具如別錄至可領也故茲獎諭想宜知悉冬寒卿比平安好遣書指不多及

高宗

諱構徽宗第九子初封蜀國公進封廣平郡王康王金兵初圍京師詔王如金軍議和及

金兵至復受詔至金留相州尋拜河北兵馬大元帥二帝北狩元祐皇后手書告中外俾帝嗣統乃即位於應天府

罷上壽詔

建炎元年五月宰臣等上言請以五月二十一日為天申節下詔

朕承祖宗遺澤獲託士民之上求所以扶危持顛之道未知攸濟念二聖鑾輿在遠萬民失業將士暴露夙夜

達於政體之言

痛悼寢食幾廢況以眇躬之故間樂飲酒以自為樂乎
非惟深拂朕志實增感於一心所有將來天申節百官
上壽常禮可令寢罷

察吏詔

建炎
五年

朕惟養兵之費皆取於民吾民甚苦而吏莫之恤寅緣
軍須掊歛無藝朕甚悼之監司郡守朕所委寄以惠養
元元者也今慢不加省復何賴焉其各勤乃職察吏之
侵漁納賄者按劾以聞苟庇覆弗治朕不汝貸

幸學手詔

紹興二十七年車駕幸學隨至秘書省右文殿頒手詔

整鍊有餘視北宋諸詔文又一格調矣

朕聞周建外史掌五帝三皇之書漢選諸儒定九流七畧之奏文德之盛後世推焉仰惟祖宗開建冊府凡累朝名世之士由是以興而一代致治之原蓋出於此朕嘉與學士大夫共宏斯道乃一新史觀新御榜題肆從望幸之忱以示右文之意嗚呼士習為空言而不為有用之學久矣爾其勉修術業益勵猷為一德一心以共赴亨嘉之會用丕承我祖宗之大訓顧不善歟

真實辭不假文錦

禁加耗詔

紹興三十二年

州縣受納秋苗官吏多收加耗肆為姦欺方時艱虞用度未足欲減常賦而未能豈忍使貪賊之徒重為民蠹自今違犯官吏並置重典仍沒其家

孝宗

諱昚太祖七世孫秀王偁之子初名伯琮高宗太子薨未有後詔選太祖之後育帝於宮中賜名瑗封建國公進封普安郡王尋立為皇子更名瑋封建王立為皇太子更名昚受高宗

禪即位

斷獄詔

乾道三年

有古嶺之風

篇短而腹極有古趣

獄重事也稽者有律當者有比疑者有讞比年顧以獄情白於執政探取旨意以輕為重甚亡謂也自今其祇乃心敬於刑惟當為貴毋習前非不如吾詔吾將大寘於罰罔攸赦

獎諭魏王愷詔

乾道七年二月進封慶王愷為魏王判寧國府愷孝宗第二子

也

大江之壩其地廣袤使水之蓄洩不病而皆為膏腴者圩之為利也然水土鬪鬪從昔善壞卿聿修稼政巨防

情勢明豁言故鑒
鑒

屹然有懷勤止深用嘉歎

興水利詔

乾道九年臣僚言江西連年荒旱不能預興水利為之備乃下詔

朕惟旱乾水溢之災堯湯盛時有不能免民無病者備先具也豫章諸郡縣但阡陌近水者苗秀而實高仰之地雨不時至苗輒就槁意水利不修失所以為旱備乎唐韋丹為江西觀察使治陂塘五百九十八所灌田二萬頃此特施之一道其利如此矧天下至廣也農為生之本也泉流灌溉所以毓五穀也今諸道名山川原甚

衆民未知其利然則通溝瀆陂澤監司守令顧非其職與其為朕相丘陵原隰之宜勉農桑盡地利平糴行水勿使失時雖有豐凶而力田者不至拱手受弊亦天人相因之理也朕將即勤惰而寓賞罰焉

賜魏王愷詔

淳熙三年愷時判明州

陂湖川澤之利或通或塞存乎其人四明為州實治鄞鄞之鄉東西凡十四而錢湖之水實溉其東之七吏惰不虔封莢蕪翳利失其舊農人病焉卿臨是邦乃能講

辭甚雅令

酌盈濟虛言獨款
志

求利便而濬治之遂使並湖七鄉之田並與傍同無異時旱
乾之患其為澤豈淺哉刻奏徹聞不忘嘉歎

禁兩稅折錢詔

淳熙五年

比年以來五穀屢登蠶絲盈箱嘉與海內共享阜康之
樂尚念耕夫蠶婦終歲勤動價賤不足以償其勞郡邑
兩稅除折帛折變自有常制當輸正色者毋以重價強
之折錢若有故違重置於法臨安府刻石徧賜諸路

罷官鬻鹽詔

淳熙十五年

欽定四庫全書

御選古文淵鑒

五

廣南在數千里外疾痛難於上聞朕憫之尤切蓋鹽者民資以食向也官利其贏轉而自鬻久為民疾朕為之更令俾通販而杜官鬻民固以為利矣然利於民者官不便焉必胥動以浮言且朕知恤民而已浮言奚恤矧置監司守令以為民朕有美意弗廣其推顧撓而壞之可乎自今如或有此必寘之法

光宗

名惇孝宗第三子初封恭王乾道七年孝宗以恭王英武類已立為皇太子十六年傳位

在位五年

本末先後四字措
語甚約而包廣甚
博信為政之紀綱

諭守令詔

紹熙
二年

朕惟為政之道莫先於養民故自即位以來蠲除甚賦
頒宣寬條嘉與四方臻於安富郡守縣令最近民者也
誠能拊循惠愛以承休德庶幾政平訟理之效今采之
人言乃聞科斂先期競務辦集而民之虛實不問追呼
相繼敢為催剝而民之安否不恤財計之外治理蔑聞
甚不稱朕委屬之意國用有常固在經理而非掊克督
促以為能也知本末先後之誼此朕所貴於守令者繼

自今以軫恤為心以牧養為條俾民安業時予汝嘉

寧宗

諱擴光宗第二子初封英國公平陽郡王光宗受禪進封嘉王孝宗崩光宗以疾不能出

太皇太后吳氏詔王即皇

帝位尊光宗為太上皇

賑荒詔

慶元元年

語意詳復仁心為實

朕德菲薄饑饉荐臻使民陷於死亡夙夜慘怛寧敢諉過於下顧使者守令所與朕分寄而共憂也乃涉春以來聞一二郡老稚乏食去南畝捐溝壑咎安在耶豈振給不盡及民歟得粟者未必饑饉者未必得歟偏聚於

所近不能均濟歟官吏視成而自不省歟其各恪意措畫務使實惠不壅毋以虛文蒙上則朕汝嘉

理宗

諱昀太祖十世孫父希瓚追封榮王寧宗弟沂王薨無嗣以宗室希瞿子均為王後景獻

太子薨寧宗立均為皇子賜名竑以帝嗣沂王賜名貴誠寧宗疾篤丞相史彌遠與竑有違言乃稱詔立帝為皇子賜名昀寧宗崩即位封竑為濟王湖州潘壬等謀立竑不克竑遇醢薨

從祀五臣詔

淳祐元年

一事而有闕千載者如此等詔文是矣

朕惟孔子之道自孟軻後不得傳至我朝周惇頤張載程顥程頤真見實踐深探聖域千載絕學始有指歸中

興以來又得朱熹精思明辨表裏混融使大學論孟中庸之書本末洞徹孔子之道益以大明於世朕每觀五

臣論著啟沃良多今視學有日其令學官列諸從祀以

示崇獎之意

是月丙午封周惇頤為汝南伯張載邵伯程顥河南伯程頤伊陽伯戊申視太學謁

孔子遂御崇化堂命祭酒曹觴講禮記大學篇監學者各進一秩諸生推恩錫帛有差製道統十三贊就賜國子監宣示諸生復親書朱熹白鹿洞學規賜焉

罪已詔

端平三年四月

數年之間多難已甚屬讐金之寢滅而蒙古之與隣逮

語自慙到不為矯飾

合謀成破蔡之功

紹定六年遣江海孟珙從元兵合圍金主於蔡州破之

恐假道

有及虞之勢心之憂矣臍可噬乎又兵民之死戰鬪戶口之困流離室廬靡存骸骨相望是皆朕明不能燭德有未孚上無以格天天下無以定民志今方施令發政以為綏輯之圖補卒蒐乘以嚴守禦之備想瘡痍之溢目如疾病之在身



御選古文淵鑒卷四十二